

Pekuru Meitani'axia mexiakame xapayari

Wairitsika

¹ Ne Pekuru ni'ariekame, Ketsutsi Kiritsitu hetsia mieme.

Nekanixewairitiaka xeme xemanayexeiyarie xemeukuyaxixia teiteri watsata, punitutari, karatsiyatari, kaparutsiyatari, 'atsiyatari meta witiniyatari watsata xemetitei hiki.

² Xekananayexeiyarieni Kakaiyari mita'ukiyari kemitimaikai meripaiti, 'Iyarieya xepatakaku xekaniyiaka, Ketsutsi Kiritsitu mumierieki, xemeta xekaniu'itiyani xuriyayaki, xemi'yuwairiyaniki yaxemitekahuniki kemaine:

Kwinimieme 'aixia ketiuka'iyarini xehetsiemieme, kexepitiaka yu'iyaritsie xemika'uximatariiekaki.

Tukari ketemitepitie mexi teta'ikwewa yuri tete'eriet

³ 'Aixia ketikuxaxatsiwani Kakaiyari, Tati'aitiwame Ketsutsi Kiritsitu mu'ukiyarieya, waikawameki kemitiuyukanenimaya, hutarieka kataniutinuiwitiani Ketsutsi Kiritsitu mikite watsata manukuketarieki, tukari temexeiyaniki mexiteta'ikwewa yuri tete'eriet, yuniwema katanayeitiani,

4 'ayumieme tahetsie katininakimiki tita 'asimikatiyiwe, mikatipiniwe meta mikatiyeiwe, tita muyuawitsie mire'iwiyarie xehetsiemieme.

5 Xemetsi yuri xete'erieti xekani'iwiyarieka Kakaiyari tirikariyayaki. 'Ayumieme xekanitawikweitsitiariekuni, kemitimatsiikini xewikweitsitiati tukari 'aye'ayu kepauka mitapare.

6 Mipai xetemaiti xekaniyutemamawieka, tsepaneti hiki 'ayewaikawameki xemite'ukakukwine xe'iniatsietiweti yapaimexia.

7 Huru, tsepaneti mixiwe, taiki kwaxiyarieti waikawa kanixawatuni. Xemeta yuri kexemite'erie mipai pi'ane, huru kemikaraye'axe matsi miki waikawa katinaye'aka, mipai xete'iniatsieti matsi xeyiwaweti xekanakinikuni, Kakaiyari 'aixia pitayini xehapaitsita, meta witsipitixexeiya kepauka Ketsutsi Kiritsitu matsiikiti mayani.

8 Xeme xepinaki'erie tsepa hatsuaku xemika'ixeyawawe, tsepaneti hiki xemika'ixeiya, hetsiena yuri xemite'erie, 'ayumieme xepiyutemamawie 'anayuhayewakameki meta witsi'aneme kexemitepitiarie,

9 'ayumieme yuri xekateni'erieka, mipai xe'itiarieti xekaniutawikwetsitiarieni.

10 Kakaiyari niukametemama, miki wikweitsitiarika hepaitsita mepite'utiwau meyukweriwayurieti kepauka memitekuxataakai kexemitemikienikekai hepaitsita.

11 Mepitewautiwekai kepauka mixataakai, kemi'ane tukari mihekiataakai Kiritsitu 'Iyarieya wahetsie mitiwiyakai, yakatiyiwekaku 'akuxi

'Iyari pitihekiatakai Kiritsitu kemitikwinekekai,
'ariki witsi'aneti kemirayanikekai.

12 Mikiri mipai mepite'u'ikitarie,
yuhetsiemieme mipai mepikayiakai ke-
memitehiritiariakai, tame pita tahetsiemieme
mepiyiakai miki hepaitsita. Xemetsi hiki wikweit-
sitiarika hepaitsita xepite'utahiawarie wahepai,
texaxatamete yametenixekuxaxatiwakaitini,
'Iyari Mitiyupata hetsie metewiyati taheima
meyeni'arie. Kakaiyari niuki tuayametemama
mipai mepitemaikakeyu kexemite'utahiawarie.

Kexemite'upatsie, mipai xeketeneu'uwani

13 'Ayumieme xekeneyuha'aritiaka
yu'iyaritsie 'aixia 'anemeki xeteku'eriwati,
xeketeneyu'aitiaka, naimeki xeta'ikwewati
'aixia kexemi'itiarieni kepauka Ketsutsi Kiritsitu
matsiikiti mayani.

14 Tiiri yamemitekahu wahepai
xeyiati, meripai hepai xepikateyumaike,
kexemiteyukahiwe'eriekai 'atsixekatemaiti 'ana.

15 Kemi'ane mixe'uta'ini kanipatsieka,
'ayumieme xemeta miki hepai xe'aneneti
xekenakini, hetsiena mieme xekenepatsieka
naimetsie kexemite'u'uwa,

16 mipai mire'uxaki: «Xeme xekenepatsieka ne-
hetsiemieme, ne nemupatsieki».

17 Miki yiki katiwaxeiyati kaniwa'iniatani
kememiteyurie yuxexuti, miya mi'ane xika
xe'utahiawe yu'ukiyaritime, xe'eyemakati
'aixia xete'ixeyiati xekeneyiaka mexi'akuxi 'ena
xe'u'uwa

18 mipai xetemaite, tita mitipiniweki
pirataki, huru hepai, mikiki xepika'unanaiya
kepauka xemuxinarie 'uxa'atini warie
yaki xeikia xemika'u'uwaniki, xetutsima
kememitexe'ikitiakai,

19 xepuxinarie Kiritsitu xuriyayaki kwini
mieme matsi miraye'axeki, miki mawari hepai
muxa nunutsi hepai kaniumierieni, hetsiena
karahiiwakaku, 'aixia 'aneti mawari mayaniki.

20 Kwie kanetiariewekaku 'akuxi, Kakaiyari
yakatinimaikaitini kemitiyurienikekai miki.
Tukari 'aye'aximekaku, xeiyarieti kanayani
xehetsiemieme.

21 Yuri xepite'erie Kakaiyari Kiritsitu hetsie
yatixepitiakaku, xeme xehetsiemieme, Kakaiyari
kanenukuketiani mikite watsata, witsi'aneme
kanayeitiani yuri xemite'eriekaki, meta
kexemiteta'ikwewani.

22 Xekaniyu'itirieni yu'iyari, tita yuri
mirainetsie yaxetekahuti 'Iyarieya xe-
parewiekaku, 'ayumieme yu'iwama yuriki
xekeniwanaki'erieka, 'aixia 'iyariki xekeneyu-
naki'erieka waikawameki.

23 Xemetsi hekwameki xekaniutinunuiwa,
'imiari mipiniwe hetsie xepika'utinexia.
Mikapiniwetsie pita xeputinexia, Kakaiyari
niukieya mayeniere yatixepitiakaku yuheyemeki
'amititeriwe.

24 «Yunaiti teiteri tupiriya hepai mekani'aneneni,
naiti witsikememi'anene tuturi 'ixapa mieme,
tupiriya pitiwauke meta tuturiyari pikawiwike,

25 Perutsi Ti'aitame niukieya yuheyemeki
'apititeriwe».

Miki niuki mixata, niuki 'aixia manuyine
kanihikitini xemutaxatarie.

2

¹ 'Ayumieme, xeketeneuhayewa 'axax-
eteyurieti naime meta xete'itawati, yakixeikia
xepikatekuxatani, xepikateyukananaimaka,
hipame xepikawaniukimaka,

² tiri xike memutinunuiwaxi wahepai pita
xekenehiwe'erieka retsi 'iyaritsie mieme
mikahatuiyarie. Mikiki xekanitiwawerikuni,
xewikweitsitarieti xekanakinikuni,

³ Hikiri xekane'iniata, Ti'aitame 'aixia
kemituuka'iyari.

Tete hepai kemi'ane mayeyuri

⁴ Kiritsitu tete mayeniere kanihikitini, teiteri
memitixani'eri, peru Kakaiyari kanenayexeiya.
Mariwemek 'aixia mitixeyarieniki. Kepauka
hetsiana xemiye'axe

⁵ xemeta tetexi kemitiu'uitiariwa kii mayaniki
yaxeikia xeme xe'ayeneniereti xepiti'uitiarieni
kii xemakineki 'iyaritsie mieme. Mawari
wewiwamete xekanakini Kakaiyari hetsiemieme
xepatsieti, xemixatianiki mawari 'iyaritsie
mieme kemitinake Kakaiyari, Ketsutsi Kiritsitu
xeparewiekaku.

⁶ 'Ayumieme mipai pire'uxa:
«Neuxei, Tsiyunitsie nekanitakeni
tete manayexeiyarie tsikurita mieme,
waikawa mariweti kemi'ane yuri miti'erie het-
siena
hatsuaku pikatiyutewiniaka».

7 Kwinimieme mariwemekî witsixepîte'ixeiya, xeme yuri xemite'erie, peru yuri memîkate'erie wahepaitsita pîta kemaine,

«Kii wewiwamete tete memutixani'eri,
matsi mîkî tete 'itsikina mieme kanayani»,

8 metatsiere mipai paine:

«mîkî tetetsie mepîketamîre

meta tete miwarekaxirieni kanihikîtinî».

Mîkî mekaniutiketamîreni niukitsie
yamemîkatekahukî, mipai memîteyurienikî
memî'ayumiemetetikaikî.

9 Xeme pîta xeime nuiwari xekanihikîtinî xem-
anayexeyarie, Mawari wewiwamete ti'aitamete
hetsiamiemete, nuiwari xemîpatsie, Kakaiyari
yuteiterima mixe'ayeitia, xemitehekiatanikî
mariwemekî kemîtiyuriene kemî'ane mixe'uta'ini
xemitehayewakî yîwipa xe'u'uwatî, mîkî
hekiariyayatsie pîta xemu'uwanikî mimariwetsie.

10 Meripaitî nuiwari xepîkahikîtikai,
hikîri Kakaiyari teiterimama xekanihikîtinî,
meripaitî xepîkanenimayatsiekai, hikîri
xeputinenimayatsie.

11 Nenaki'erima kîkamete xekanihikîtinî
ku'uwamete xekanihikîtinî, 'ayumieme mipai
nekatînixetuikani, xemitehayewakî yaxeteyurietî
kemîtiyukahîwe'erie waitsie tiwiyatî, mîkî
hiwe'erika ta'iyari hamatîa kaniyukwitîwenî.

12 Hipame nuiwarite watsata 'aixia 'anemekî
xekeneyîaka, xîka mipai xeteyurieka, tsepa
memîxeniukîma 'axaxemîteyurie me'utiyuatî,
'aixia 'anemekî xemîteyuriekî mexexeyatî
'aixia me'utiyuatî Kakaiyari hepaitsita

mekanakinikuni, miki tukari 'aye'ayu kepauka miwatawikweitsitiani.

Tsikate ketemitewareu'enieka

¹³ Ti'aitame hetsia xemimiemeteki, yaxeketenekahuni kememutiyuane 'itsikate heitserie memexeiya teiteri watsata, yaxeketenekahuni kwiepa ti'aitame kemaine miki mimariweki.

¹⁴ Yaxeketenekahuni kuwexinaruritsixi kememutiyuane, kwiepa ti'aitame miwareyeni'axiaki memiwaraye'eritianiki miki 'axamemiteyurie, 'aixia memitewatahiaweki miki 'aixia memiteyurie.

¹⁵ 'Ipa kani'aneni tita Kakaiyari mitinake, xeme 'aixia xeteyurieti xemenukanakaki yaki xeikia kememutiyuane teiteri 'atsimemikatemate.

¹⁶ Xekanixixinini, peru xexixiniti heitserie xehexeyame 'axaxemiteyuriekaki xepikayu'erieka, Kakaiyari te'uximayatametemama pita xekanihikitini.

¹⁷ Waikawameki 'aixia xeketeniwaxeiyani yuxexuime: xekeniwanaki'erieka 'iwamarixi, Kakaiyari xekenayemakaxeni, kwiepa ti'aitame mariwemeki 'aixia xeketenexeiyani.

¹⁸ Te'uximayatamete, yaxeketenekahuni kememutiyuane xekutsiyarima naimeki xetewareuyehiwirieti, 'aixia memite'u'iyari memika'ayu'eririya nepikawaxata xeikia, matsi memitsetse'ita kememutiyuane yaxeketenekahuni.

¹⁹ 'Aixia pitikihawariwani xika hiweritariieka Kakaiyari ha'eriwati, xika tiukakukuineni heitseriemeki ka'itarieti.

²⁰ Peru, ʒtitaki 'aixia xetekihawariwani xika xete'uka'eniwani, 'axaxete'uyurieka xeikia xe'utiweiyani? Matsi pita 'aixia xeteyurieti xika xe'utiweiyani xete'uka'eniwani, Kakaiyari 'aixia pitixetahiawe.

²¹ Mipai 'ayumieme xeputa'inierie, Kiritsitu pituukwinixi xehetsiemieme, 'iniari xepitiati, xemiweiyani miki kemitiyurienekai.

²² «Miki 'axapikatiuyuri, nanaimarika tetana pikaxuawekai».

²³ 'Axatikihawariwati 'axapikatiwarutahawixi, tikwineti 'atsipikahainekai kename 'axawayurienikekai, matsi kaniyuyetuani kemi'ane heitseriemeki miwa'iniata 'aixia miyurieniki.

²⁴ Miki yuwaiyaritsie kanititini tita 'axatemite'uyuri kiyetsie mukawiyatsie, tame te'utixinarieme 'axatemikateyuriekaki 'uxa'atini warie, temayeneniereniki pita heitseriemeki yatetekahuti. Miki mitiukwinitiarieki, xeme 'aixia xeteheu'erieti xepayeitiarie.

²⁵ Matsi muxatsi memeuyexiri hepai xepiyiakai, hikirixia ta'aurie xe'axirieka muxatsi wahiwemetsie xepite'uwi, kemi'ane xe'iyari mi'iwia hetsia.

3

Kemireuyewetse yamemiteyuriekaki meyu'itati

¹ 'Ukari yaxekia, yaxeketenekahuni kememutiyuane xekinama, mipai xeteyuriekaku, tsepa hipati yamemikatekahu niuki kemaine, wa'itama 'aixia 'anemekiki xe'u'uwakaku yuri mepiteta'eritiarieni 'atsixeka'utiyuanekaku,

² mexexeiyati kexemite'u'uwa Kakaiyari xehayemakati xe'itiatikaiti.

³ Kexemiteyukemaritia, herie miemeki xeikia xepikamariwani, kexemiteyutsa'a yikipatsie, huruki kexemite'atikuka, kexemite'enakatiki 'ixuriki.

⁴ Matsi xekenemariwani kexemi'anene yutaita hakewa mikahematsiiki herie, yu'iyaritsie pita. Xika xe'iyari ka'ayu'eriyani xika kayuwati 'umaka, miki matsi witsipirekemari mikapiniweki, kemi'ane mipai mi'ane, Kakaiyari kwinimieme mariwemeki 'aixia pitixeiya.

⁵ 'Ukari meripaiti 'amemu'uwakai memipatsiekai Kakaiyaritsie miemeki, memita'ikwewakai yuri mete'erietu hetsiena, miki mipai mepiteyukemaritiakai yametekahuti kememutiyuanekai wakinama.

⁶ Tsara meta yakatinikamiekaitini 'Apirahami kemainekai, ti'aitame katinitamare. Xemeta niwemama xekanakine hepaina 'aixia xeteyurietu, xekamamatu xika xemariutsieka.

⁷ 'Ukitsi meta yaxeikia, xetemaiwawetu yu'itama wahamatia xekeneutiteni, mipai xetemaiti, xehepai memikatiirikawiki yuwaiyaritsie, mariwemeki 'aixia xeketeniwaxeiyani, mipai xetemaiti, mexeteitakaku wahetsieta pitinake tukari memimikieniki xehamatia. Mipai xika xeteyurieka xenenewieri pika'anunamieni.

Yaxeketeneyurieka xe'iyari kaxe'utatieniki

⁸ 'Imatirieka yunaiti xekeneyuxewini kexemiteyikihiawe, xekeneyuxewini 'axeikia xeyutemamawietu xeyuhiwerietu nutsu,

xekeniwanaki'erieka 'iwamarixi, xeketeneyukanenimayaka, xepika'ayu'eririyani.

⁹ 'Axaxete'upitiarieme 'axaxepikawayurieni, 'axaxete'utahiawarieme 'axaxepikatewakihaweni, matsitsi xekeneutawawiri Kaka'yari 'aixia memi'itiarieniki pita, 'ayumieme xeputa'inierie, xehetsie mitinakeniki 'aixia xemi'itiarieniki.

¹⁰ «Kemi'ane minaki'erimiki tukari, kemi'ane mixeyiamiki tukari 'aixia mi'ane, ketihayewani 'axa'utaiti yuneniki, ketihayewani yutetaki 'itarikaki tikuxatati.

¹¹ Ke'iku'eirieni tita 'axamiti'ane, 'aixia ketiyurieneni pita, ketikuwauni 'aixia mitiwaxeinyani teiteri, keyumexiitiaka mikiki.

¹² Ti'aitame kaniwaxeinyani miki heitseriemeki yamemitekahu, meta wanenewieri kani'enieka, matsi 'axapitiwaxeiya miki 'axamemiteyurie».

¹³ Miki meta, ¿kepaikitsi 'axapixeyurieni xika xeyuwairiyani hiki xemiyumexiitiakaki tita 'aixia miti'ane hepaitsita?

¹⁴ Metsi xika xete'ukakukwineni heitseriemeki yaxemitekahuki, xekeneyutemamawieka matsi. «Xepikawamakarika, xepikayuxamurieka».

¹⁵ Matsi yu'iyaritsie xekenayemakaxeni Ti'aitame Kiritsitu kemitiupatsie. Yuheyemeki xekeneha'aritsieka xemitiniuniki tita xemitekwewietsie mieme, yaxete'ikihaweti kemi'ane mixeta'iwawiya. Mipai xetekuxatati xepika'ayu'eririyani xeikia, matsi xekenayemakaxeni kemi'ane mixeta'iwawiya,

16 xe'iyari 'aixia 'anekaku kaxetate'akaku. Mipai kemem̄texeniukima, miki hepaitsita mepiyutetewiyani miki mem̄xeniukima kexem̄teyurie 'aixia 'anemeki, Kiritsitutsie xetewiyati kexem̄iyia.

17 'Aixia kaniȳmiki xika xete'ukakukwineni 'aixia xem̄teyurieki, xikate mipai tinakeni Kakaiyari, peru 'axaxem̄teyurieki pikatixai.

18 Kiritsitu xeimieme xeikia kanium̄ini tita teiteri 'axamem̄teyurie hepaitsita, kemi'ane heitseriemeki yam̄tikamiekai, miki kanium̄ini tame heitseriemeki yatem̄katekahu tahetsiemieme, mitatsi'aye'at̄ianiki Kakaiyari hetsia. Kem̄titewitikai, kanium̄ierieni, yu'iyari kem̄irexeiyakai, panutanierit̄iarie.

19 Mipai 'aneti kaneyani, piwarutaxatia 'iyarite mem̄anutax̄riyakai.

20 Miki meripai mepikayuwairiyakai yamem̄tekahuniki kepauka Kakaiyari mita'ikwewakai tiuka'eniwati 'ana Nuhexi 'am̄yeikakait̄sie, mexi'akuxi kanuwa 'am̄ipa wewiekai. Mik̄itsie meyeteti meyu'atahaikati meputawikwei mem̄utihaut̄sie.

21 Miki 'iniari kanayani, 'iyarika kani'iniarit̄ini. 'Iyarikaki xewaiyari xep̄ikahauxina kem̄itikwiema, mik̄iki matsi xe'iyari kaxetate'akaku xep̄iyuhirit̄ia Kakaiyari xe'eniekaku. Mipai xep̄iteyuwikweitsit̄ia hiki, Ketsutsi Kiritsitu manukukeki.

22 Miki Kakaiyari tserieta 'apuwe muyuawit̄sie paiti heyaka, niuki tuayamete, heitserie hexeiyamete meta tir̄ikariya hexeiyamete yunait̄i yamep̄itekahu kemaine.

4

*'Aixia xeketenaye'atia kexemite'uhiritiarie
Kakaiyari 'imikierieya hepaitisita*

¹ 'Ayumieme, Kiritsitu yuwaiyaritsie
kemituukwinixi tahetsiemieme, xemeta
xekeneyuha'aritiaka xemitekwinitiarieniki,
hepaina xeteyumaiti, tamitsi kemi'ane
yuwaiyaritsie mituukwinixi katiniuhayewa
'axatiyurieneti.

² 'Ayumieme mexi'akuxi yuwaiyaritsie
'ayeniereni, tiukahiwe'erieti pikayianeni, teiteri
kememite'ukahiwe'erie, matsi pita Kakaiyari
kemitinake katiniyurienemiki.

³ 'Ariri tukari manuyetiatsie tukari
xeputsewixima yaxeteyurieti kemitiwanake
nuiwarite, xekaniku'uwani xerukuyatiweti
xeikia, xete'ukahiwe'erieti, xetariwetiweti,
xeku'ixiaratiweti, xeku'ietiweti, meta tetexi
xewarayexeyati memixani'eriwa.

⁴ Mipai xemikateyurieki hiki mekanihixiyaka,
xeme wahamatia xemika'utananautsaki wahepai
xeyutatuati xemitimayarieniki, 'ayumieme 'ax-
amekatenixekihaweni.

⁵ Kaneuyewekamiki miki memitiniuniki
yuhetsiemieme kepauka miwata'iwawiya
kemi'ane 'amuwe ha'aritsieti memayeneniere
meta mikite yunaiti.

⁶ 'Ayumieme teiteri memukwi mekanu-
taxatiarieni hepaitsitana niuki 'aixia manuyineki,
memita'iwawiyarieniki yuwaiyaritsie
teiteri kememi'itiriwa, yu'iyaritsie pita
memayeneniereniki Kakaiyari kemirayeniere.

7 'Ariri kanehuraniri naiti yamiraye'aniki.
'Ayumieme xekeneyunenewieka 'aixia
'anemek i xetema iwaweti xekeneyiaka, mikiki
xeyikihiaweti.

8 'Iki naimeki, xekeneyunaki'erieka
yuheyemeki, naki'eriya naime katinanuyeitiwani
waikawa 'axamiti'anene.

9 Yukie xekeneyunaki'erieka xekaniukixieti.

10 Kakaiyari kemitixepitia yuxexuime, mipai
xeketene yuparewieka, kexemite'uhiritiarie
Kakaiyari 'imikierieya hepaitsita mimiire
hepaitsita, mipai 'aixia xeketene'uximayaka.

11 Xika niukametini, Kakaiyaritsie mieme
'utaniuti ketikuxatani. Xika tiparewi-
wametini, mipai ketiwaparewieka Kakaiyari
kemititirikariya. Mipai xeteyuriekaku,
Ketsutsi Kiritsitu yatixepitiakaku, Kakaiyari
witsikatinikuxaxatsiwamiki naimeki. Miki
witsiketikihiawariwani, tirikariya kepitariieka
yuheyemeki tsepaneti xeitsienituyari wiyari
manuyekika. Mipai xeikia kani'aneni.

*Kiritsitutsie tiwiyati kemitiyurieni tiukakuk-
wineti*

12 Nenaki'erima, xepikahixiyaka
xe'iniatsietiweti tsepa taiki, kexemitenewieki
mipai xemi'itiariximeki.

13 Matsitsi, kexemiteyuxewi Kiritsitu
hamatia, xete'ukakukwineti miki mitiukwinixi
hepai, mikiki xekeneyutemamawieka, miki
meta, xika mipai 'aneni, kwinimieme
xekaniyutemamawiekakuni kepauka matsiikiti
mayani witsi'aneti.

14 Xika 'axaxetekuhiawariwani Kiritsitu hetsia xemimiemeteki, xekeneyutemamawieka, mipai xetemaiti, 'Iyari witsimi'ane xehetsie pitiviya, Kakaiyari 'Iyarieya hikititi, wahetsia 'axapitikuxaxatsiwa, xehetsia matsi 'aixia pitikuxaxatsiwa.

15 'Aixia pikayini xika xewiti xeme tiukakukwineni mitiyumemiwaki, mitinawayaki, 'axamityurieneke, maniuweke.

16 Matsi xika tiukakukwineni Kiritsitu hetsie mitiwiyaki, pikayutewiyani, Kiritsitu hetsia miemetiti mipai ke'itiarieni matsi, Kakaiyari 'aixia mitikuxaxatsiwaniki.

17 Tukari kanaye'ani 'iwaaurika mitsutiarieniki, Kakaiyari kiie kiekatari meri temita'iniatsieniki, xika tahetsie tsutiarieni meri 'iwaaurika, ketsi me'u'itiarieni miki memikayuwairiya yamemitekahuniki niuki kemaine Kakaiyari hepaitsita 'aixia manuyine.

18 «Miki heitseriemeki yamemitekahu xika haweri mieme xeikia me'utawikweitsitiarieni, hakewari miki Kakaiyari memika'ayexeiya, hakewari miki 'axamemiteyurie».

19 'Ayumieme miki memite'ukakukwine mipai mitinakeki Kakaiyari, miki kaneuyeweka 'aixia meteyurieti memiyuyetuaniki, kemi'ane miwarunetia miwa'iwiyaniki wa'iyari, miki yakatinikamieni kemaine.

5

Kakaiyari muxatsimama xekeniwa'iwiyani

1 'Ayumieme 'ipai 'ukirawetsixi nepitiwatuika, neta wahepai nekani'ukiratsitini, nekaniuniere

Kiritsitu tiukwineku, neta neheixeyati nekanayani tita 'umiramie witsiti'aneme ketemitexeitsitarieni, 'ayumieme nepaine.

² Kakaiyari muxatsimama xemiñiritiari xekeniwa'iwiyani, wairiyarika xekayati. Tumini xehiwe'erietì xeiñia xepikayia, matsi pita xeyuwairiyati xeketene'uximayaka, Kakaiyari kemitinake.

³ Mamariwawemete xepikahayuyeitiaka xemiñiritiari wahetsiemieme, matsi 'iniari xekenehikitini muxatsi wahixie.

⁴ Kepauka muxatsi wahiwemete wa'ukiyari xeyarietì mayani, kuruna witsimi'ane mikayeuwe xekaniyetuiriariyekuni.

⁵ Mipaita xeme temari yaxeiñia, kememutiyuane 'ukirawetsixi yaxeketenekahuni. Tixaiti xekatehayuyeitiati xekeneyia yunaime wahepaitsita,

«Kakaiyari kaniwaraye'unieka miki memuyuti'ire, matsi pita 'aixia pitiuka'iyari tixaiti memikatehiki wahetsiemieme».

⁶ 'Ayumieme tixaiti xekatehikitime xepikahayuyeitiaka, Kakaiyari yitirikariyaki xetuikakaku, miki yemeki tixaiti xekatehikitime mixe'ayeitianiki tukari 'aye'ayu.

⁷ Kexemiteyu'iyaritia, xeketeneyetuiri naime, mikita mixe'iwiyaki.

⁸ Xekeneyuta'eriwani meta xekenayeneniereni. Xeneikixiwi kauyumarie pikuyeika maye mahiwa hepai 'ikuwauneti kemi'ane mitakwaniki.

⁹ Xekenaye'unieka, xekeneyutseiriyani yuri xete'erietì, mipai xetemaiti, kaneuyeweka

yaxeikia memite'ukakukwineniki yunaiti
'iwamarixi naitsarie kwiepa.

¹⁰ Miki meta, Kakaiyari naimeki 'aixia
katiniuka'iyarini, miki kanixe'uta'inieni
hepa'ina witsixe'aneneme mixe'ayeitianiki
yuheyemeki Kirititsutsie xetewiyakaku, mikiri
yapa'imexia xetekwineyu kanixehewariyamiki,
meta xetirikawime kanixe'ayeitiamiki,
kanixetseiriyamiki, xekitia mieme tetsariya
kanitakemiki.

¹¹ Miki tirikariya kepitiarieka yuheyemeki tsep-
aneti xeitsienituyari wiyari manuyekika. Mipai
xeikia kani'aneni.

Teutiarika

¹² Tsiriwanu ta'iwa yamitikamie
kenemitiku'eriwa netsiparewiekaku,
yapa'imemeki 'ipai netinixe'uta'utiirieni
nexetuikati netixehekiatiati kename yuriki
'ipai 'aixia tiuka'iyari Kakaiyari. Miki 'aixia
tiuka'iyarikaku xehetsiemieme xekeneti'uka.

¹³ Miki Wawiruniya memiyutixexe'iriwa
xehepai memanayexeiyarie mekanixewairitiaka,
meta neniwe Marikuxi kanixewairitiaka.

¹⁴ Xekeneyuwairitiaka xeyunaki'erieti.

Yunaiti Kirititsu hetsie xemitewiya kayuwati
xekepitiarieka. Mipai xeikia kani'aneni.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3